

at place.

Digitized by the Internet Archive
in 2011 with funding from
Corporation of the Presiding Bishop, The Church of Jesus Christ of Latter-day Saints

TRADDODIR

D A R L I T H I A U

GAN

CAPT. JONES,

YN

NEUADD Y SAINT, HEOL ORANGE,

ABERTA WY.

I ddechreu am 7 o'r gloch nos Fawrth, Ionawr 9fed, 1855, ac i barhau yn wythnosol hyd oni hysbysir yn amgen, ar y testunau canlynol:—

DARLITH I. Anghrist—Pwy yw efe,—ei achau,—ei enedig-aeth, a'i ddechreuad.

DARLITH II. (Ion. 16.) Ei amcanion bradwrus,—ei gynlluniau, a nodweddau hynotaf ei gymmeriad.

DARLITH III. (Ion. 23.) Ei fyddinoedd,—ei gadfridogion,—ei arfau rhyfel, ynghyd â hanes am amryw o'i fuddygol-ietbau.

DARLITH IV. (Ion. 30.) Amrywiaeth a chyfrwystra ei ruthriadau.

DARLITH V. (Chwef. 6) Ei arholiad o flaen y Prif Lys,—ei ddedfrydiad,—ei rwyniad, a'i garchariad.

DARLITH VI. (Chwef. 13.) Ei ryddhâd,—ei fyddinoedd au-eirif,—pwy fyddant,—ei frwydr fawr olaf, a'i gwymp.

DARLITH VII. (Chwef. 20.) Ei ddiennyddiad,—ei gladdedig-aeth, a'i dynged ddadansoddiadol ef,—ei gadfridogion, a'i holl fyddinoedd.

Hefyd, dilynir y rhai blaenorol â darlithiau wythnosol ar y testunau canlynol:—Ail ddyfodiad personol Mab y Dyn i'r ddaear,—Pa fodd y daw,—I ba ddylenion y daw,—Yr arwyddion arddangosiadol o a'r darpariadau rhagflaenol i'w ddyfodiad, ynghyd ag amseryddiad ei ddyfodiad.

Y Milflwyddiant.—Pa fodd y dechreuau.—Adferiad y ddaear, a'r adgyfodiad i fywyd:—Trigolion y byd yn y Milflwyddiant,—Y bydd Saint adgyfodedig,—Saint cyfnewidiedig,—Duwiolion mewn cyflwr a farwoldeb,—yn y cyflwr priodasol ac eppilol,—perthynasol, cyfeillachol, a chymleithasol, ac y bydd Paganïaid yno hefyd.—Gweithredoedd a mwyniant y gwahanol breswylwyr yn y Mil Blynnyddoedd.—Dysgyniad y Seion gyntefig,—Dinas Enoc,—y 'Jerusalem nefol' o'r nef i'r ddaear,—ei phreswylwyr, ei gogoniant, a'i hanghyfnewidioldeb.—Yr adgyfodiad i farn.—Dinystr yr annuwiolion.—Dadansoddiad yr elfennau daearol.—Y nef newydd a'r ddaear newydd, bur a thragywyddol, a pha beth a gynnwys y "Bywyd Tragywyddol" a fwynhâ ei phreswilyddion hi.

Traddodir darlithiau hefyd ar Babilon fawr y dyddiau diweddaf,—pwy yw hi,—ei chymmeriad a'i chwymp,—pa fodd a pha bryd y bydd. Dychweliad yr Iuddewon i Palestina, adeiladiad Jerusalem, a Dinasoedd creill yn Judea:—Ail ymweliad eu Gwaredwr â hwy pan yn eu cyfyngder olaf,—eu hadnabyddiaeth o hono,—eu crediniaeth ynddo, a'u mhawr lawenydd ynddo Ef.

Hanes prif hynodion bywyd, a merthyrdod Joseph Smith a'i frawd, o herwydd eu crefydd, tra yn ngharchar yn aros eu harholiad, (gau un oedd yno,) a gwrth-broffon o'r camgyhuddiadau a gyhoeddir ac a chwedleir yn erbyn eu cymmeriadau. Cenadiaeth y "Prophwyd Mormonaidd,"—A yw yn ysgrythyrol a rhesymol?—Ai dwyfol, ynte o ba le y mae?

Pwy yw y rhai a elwir yn "Gau-brophwydi y dyddiau diweddaf," a pha fodd eu hadnabyddir.

Proffion o eirwiredd Llyfr Mormon, ynghyd â hanes ei ddechreuad,—ei gynnwysiad,—ei ddefnyddioldeb,—ei ddarganfyddiad, a'i gyfeithad, ac a oes prophwydoliaethau ysgrythyrol amdano?—A wrthwyneba ynte a gyd-gordia efe â'r Beibl? &c.—

Fod y mwynhâd presennol o ddadguddiadau, doni a'u ysbrydol, a gwyrthiau yn athrawiaethau ysgrythyrol, rhesymol, ac yn ffaith.



D.S. Pregethir yn Gymraeg hefyd bob Sul am 11eg o'r gloch y boreu, ac am 7 yn yr hwyr, a Saesnaeg am 2 ac am 6 bob Sul, ac am 7 bob nos Iau yno, ar y testunau canlynol, lle y dymunir weled y darllenydd yn dyfod i wrando drosto ei hun, canys,—**ANWYL DDARLLENYDD**,—*Gwybydd y rhaid i ti sefyll o flaen brawdlys ddwyfol! Cofia y sefydla dy weithredoedd dy dynged yn y byd a dlaw! Coelia gyfailli profiadol yn dweyd nad oes*

ond mwynhad o grefydd *wirioneddol* a'th dledwyddola yn y byd hwn nac i dragywyddoldeb; ac er mwyn dy enaid anfarwol, *créd* dystiolaeth *tyst geirwiredlus*, fod yr hyn a ganlyn yn egwyddorion yr *unig grefydd* ddwyfol a fu erioed nac y sydd yn awr yn y byd.

Na âd i ddylanwad gau grefydd gynhyrfu dy nwyd i dastu yr hysbysiad bychan hwn o'th law; canys, gwirionedd diwrthbrawf yw y fod Duw wedi llefaru o'r nefoedd yr hyn sydd yn *rhaid i ti* wneuthur er bod yn gadwedig. Pe y gwnelit bob peth arall a orchymyna pob enwad, a'r oll a feddyli yn ddyledus dy hunan, ac esgeuluso gwneuthur y pethau dwyfol orchymynelig canlynol, ni fyddi gadwedig. Ni bu, ac nid oes bywyd tragwyddol yn addawedig ond *yn unig* drwy ufyddhau i *bob gair a ddaw* o enau yr Arglwydd, boed y gair hwnw a fyddo. Rhaid iddo Ef gael ufydd-dod trwyadl, ac o galon, i *bob* gorchymyn a roddo Efe. Nid dwyfol y diehon fod crefydd y sawl a gyfnewidia un iot nac un titl o orchymynion Iesu Grist pe eu profiesid, pe eu canmolid gan, na phe yr haerai holl ddoethineb ddynol y byd i'r gwrthwyneb; o ganlyniad er mwyn dy achubiaeth dragywyddol na huder di i'w coelio. Hefyd, pe cyd-haerai pob pregethwr, awdwr a golygydd, yr anffyddiwr, a'r meddwyn, i.e. yr holl fyd mai twyll yw yr athrawiaethau canlynol, na chréd hwynt, onide anuddifadi dy hun o wir grefydd, gwrthryfeli yr erbyn Duw, a cholli dy enaid o herwydd gwneuthur hyny. Tyred i'r fan a nodwyd uchod er gwaethaf pob gwrthwynebydd, a mŷn wrando drosot dy hun, canys am dy farn dy hun y'th fernir, a throsot dy hun y rhaid i ti farw, a byw neu farw drachefn yn dragywydd: tyred i wrando drosot dy hun, a chai glywed mai gwirioneddau ysgrhythrol, rhesymol, a dwyfol brofiadwy i ti *dy hun* ydyw:—

Fod Angel o'r nef wedi dyfod i'r ddaear â chenadwri i'w holl drigolion, yr hon a gynnwysa gyfarwyddiadau eglur a chwir, pa fodd i gael maddeuant pechodau ac iachawdwriaeth.

Fod yn annhosibl i unrhyw grefydd fod yn ddwyfol oddi-eithr fod ei meddiannydd yn mwynhau *dadjuddiadau uniongyrchol ei hunan*

Ffydd yn nhystiolaeth tystion *byw* i gredu yn modoldeb Duw Dad, yn nghroeshoeliad, adgyfodiad, ac esgyniad ei Fab Ef Iesu Grist i'r nef, yn ddigonol Waredwr, i gredu ac ufyddhau i'w holl orchymynion, ac i gredu hefyd yn nerthol weithrediadau ei Ysbryd Glân yn ol ei addewidion.

Edifeiruch am bob drwg, a phenderfyniad i ymgadw oddiwrth bob peth sydd yn groes i gyfraith Duw.

Bedydd mewn dwfr er maddeuant pechodau, ac mai hon yw yr unig ordinhad a sefydlodd Crist er cael maddeuant.

Mwynhad presennol o ddawn yr Ysbryd Glân trwy arddodiad dwylaw yr Henuriaid,—megys tystiolaeth yr Ysbryd o gymmeradwyaeth Duw,—prophwydoliaeth,—llefaru â thafodau dieithr,—cyfieithiad tafodau,—cael gweledigaethau, ac iachâu


cleifion creliniol trwy arddo liad dwylaw a gweddi y ffydd, a chael pob dadguddiadau anghenrheidiol er cadwedigaeth.

Dirywiad hollol yn holl fyd oddiwrth burdeb yr efengyl, a'i aunddifadrwydd o Deyrnas Dduw er's oesoedd.

Adferiad trwyadl Teyrnas Dduw i'r ddaear, o ran ei swyddau, ordinhadau, athrawiaethau, dysgyblaeth a bendithion fel ei sefydlwyd gan Iesu Grist ei Phen, yr hyn a brofir gan gannoedd o filoedd o dystion cywir trwy y byd, gan amryw filoedd trwy Gymru, a rhai yn eich plith.

Ymgasgliad plant Duw ynghyd i'r fan o'r ddaear a apwyntiwyd ganddo Ef, i gael eu dysgu yn fanylach yn nghyfraith yr Arglwydd, i adeiladu Seion, ac i gael gwaredigaeth rhag yr heintiau, y plaâu, y rhyfeloedd sydd eisoes yn dechreu drwy'r byd, y newynau, daeargrynfâu, ymrysonau, a'r gyflafan erchyll sydd eisoes wrth y drws, ac a ddaw fel dialedd y Goruchaf ar warthaf gwrthodwyr yr efengyl hon, &c., &c.

Ddarllenwydd! tyred, meddir etto, a gwrando drosot dy hun, fel y gallot iawn farnu y gwirioneddau hyn, eu deall, ufyddhau iddynt, a mwynhau eu haddewidion dy hunan.

 Meddwn amrywiaeth o draethodau ar yr holl egwyddorion uchod, &c., y rhai a geir hefyd yn Swyddfa "Udgorn Seion," Abertawy, am wahanol brisiau, ac hefyd gwrthbrofion a foddlonia bob dyn gonest, i'r cam-gyhuddiadau a draethir am danom ni a'n crefydd, hyd a welsom, y rhai a ellir gael gyda y llythyr gludydd trwy flaen-dâl, neu drwy ymholi â'r Saint.







